

بازار ایرتسی

فی ۲۳ شعبان سنه ۱۳۲۸

وفی ۱۶ اغستوس سنه ۱۳۲۶

جمعیت علمیہ اسلامیہ نك ناشر افکاریدر

صاحب امتیاز :

فاتح مجیز درسعاملرندن

استانبول مبعوثی

مصطفی عاصم

سر محرر :

فاتح مجیز درسعاملرندن

توقاد مبعوثی

مصطفی صبری

مدیر مسئول :

مکتب قضاة معلملرندن

کلیملی منیر

مندرجات

بر قطعه طاهرالمولوی	وعظلمیزدن مأورینک اوصافنه دائر
تحمیس غزل میرسعود طاهرالمولوی	نه فکیده بولنه لم ع . خیری
عشقنامه مسعودالمولوی	تحصیل نسوان فاطمه نزیبه
تضمین مسعودالمولوی	اسلامده علوم و فنون ع . عاکف
رباعی مسعودالمولوی	اسای وسطی ده انکلیز - روس رقابتی نظام الدین
ترکیا اتفاق ایتلی می عبدالاحد داود	ادبیات
	شکوفه بهارستان طاهرالمولوی



نسخه سی ۱ غروشدرد

آبونه اجرتی (پوسته اجرتیله برابر در)

ممالک اجنبیه ایچون :

۶۰ ، ۲۰ فرانق

» ۱۰ ، ۳۰

استانبول وولایات ایچون :

بر سنه لکی ۶۰ غروش

القی آیلانی ۳۰ »

درج اولنمیان اوراق اعاده ایدلمز

قارئلرمنزه

اکثر مقالاته آیات کریمه واحادیث نبویه درج ایدلمش بولندینی نظراعتبارده آلنه رق رعایتسزلکده بولنداماسی رجا اولنور .

درسعادت

محمود بك مطبعه سنده طبع اولنمشدر

معشوق تعبیری بهانه و معشوق حقیقی خداوند یگانه در .
 بونی ایکی ظن ایدنلر ، ایمان یقیندن نصیبه دار
 اولامایانلر در .

هر کس کسی دارد و هر کس یاری
 هر کس هنری دارد و هر کس کاری
 مایم و خیال یار و این کوشه دل
 چون احمد و بوبکر بکوشه غاری
 مالی :

هر کسک کیمسه سی ، هر آدمک بر دوستی وار .
 هر ذات بر معرفتله ، هر شخص بر ایشله مشغول
 اولیور . بزایسه درون دله کی خیال یار ایله ، حضرت
 پیغمبرک صدیق اکبرله مغاره داخلنده بولونوشنی تنظیر
 ایدپورز .

طاهر المولوی

ترکیا اتفاق ایتلی می

۲

ترکیایی استبداد دن ویناء علیه انقراضدن قورتارانلر
 صاغ اولسون وار اولسونلر ! ملت عثمانیه بونلری
 تجیل و تعظیم ایتکله برابر اولردن دهـا بر چوق شیلر
 بکلپور . منافع عثمانیه یی متین اساسلر اوزرینه تضمین
 ایتک شرط قطعیمی ایله هیأت متفقہ نک بریسیله اتفاق
 ضروریمزک اسباب و وسائطنی دوشونوب آراملی درلر .
 یکی ترکیانک بانیلری ماہر و حاذق معمارلر اولدقلری
 عالمجه تقدیر اولمشدر . جسم و محتشم بر عثمانلی ایمبرا-
 طورافنک محکم وابدی تمللر اوزرینه انشا ایدہ جکلرینه
 قناعت کامله من واردر . بونلرک بالجله تـشـہـہ بتات خیر
 خواهانہ لری یالکیز عثمانیلر طرفدن دکل ، بلکه بتون
 اقوام تورانیہ طرفدن دخی ماده مظاہرت کورہ جکلدر .
 اخیراً ایران ملتته خطاباً نشرایتدکاری تحریرات عمومیه-

معماسین معما ، حلکه رهیاب اولان نابود
 « بینمک احوالک یوقدر ای راز خرد فرسود ! »

۲۸ مارت سنه ۳۲۵

معمرد المولوی

رباعی

عمر مده نیجه راه مخوفه صاپدم
 مبنای دلی گاه یی قوب گه یاپدم
 انجام اوله رق نائل اقصای مراد
 بن درگه ملاده کلاهی قاپدم

۲۹ مارت سنه ۳۲۶

رباعیات حضرت مولانادن

بد میکنی و نیک طمع میداری
 هم بد باشد سزای بد کرداری
 با آنکه خداوند کریمست و رحیم
 کندم ندهد باز چو جو میکاری
 مالی :

فقال ایدیورسکده ایلک اومویورسک . حال بوکه
 اسائتک مقابلی ینه اسائدر . رب کریم ، معبود رحیم
 اولمقله برابر اکدیبلک آراپدن آراپا یرینه بوغدا ی
 حصوله کتیرمز .

دستت دو وچشت دو وپایت دو رواست
 اما دل و معشوق دو باشند حداست
 معشوق بهانه است و معشوق خطاست
 هر کس که دو پنداشت جهود و تر ساست
 مالی :

الک ، کوزک ، ایاغک چفت اولماسی لایق و موافقدر
 لکن دل و دلدارک ایکی بولونماسی خطای فاحشدر .

لرنده نجف اشرف و کربلا مجتهدین عظام حضراتی
«بی سود» اختلافات مذهبی بر طرف ایدوب شیعیان
ایله سیزلرک اتحاد و یکوجود اولملرینی و ترکیا ایله ایرانک
در حال اتفاقی جداً توصیه ایدیورلر! مجتهدین حضراتنک
شو حرکت فاضلان و عاقلان لرندن دولایی کافه مسلمانک
قلوب کدر دیده لرینی دلشاد بیورمه شلردر!

افغانستان امیر کبیری حضرتلری کچلرده بر هیئت
عثمانیه به خطاباً ایراد ایلدیکی بر نطق بلبلر لرنده شو
افادانده بولمیش ایدی: «بن آسیای وسطی ده خلیفه نك
صاغ قولیم.» دیمك اولیور که یوز ملیون نفوسی
حاوی [بان تورانیان] اتفاقی همان بر امر واقع شکلنده در.
ایرانلرک مجتهدلرینه صوک درجه مربوط و مطیع اولدقلرینه
بنام تحریرات اخیریه اطاعت ایده جککاری وارسته شهید در.
افغانستانك من القديم خلافت عظمایه اولان مخالفت
و مربوطیتی هر کسك معلومی در. سلطان سلیملرک نادر
شاهلرک یابه مدقلری اتحاد اسلامك بو کون کندی کندی به
وجوده کلدیکنی مع المسار مشاهده ایدیورز! ارتق
حکومت عثمانیه نك زمامدارانك همت و غیرتیه صبر سزاقله
انتظار اولنور. بو فرصتک قیمت و دگرینی تقدیر
ایدوبده آلن الیه که قاجیر میه جکیز.

ایوم ایرانده منتظام بر قوه حربیه موجود اولمدیغنی
ادعا ایدنلر خطا ایدیورلر. عصر سابقك ابتدالرنده مرحوم
نائب السلطنه بهمن میرزانك ترتیب ایلدیکی اخذ عسکر
نظامنامه سی موجبیه حرکت ایدیلرک اولورسه ایران
ایالانندن یازم ملیون جنکاورلر چیقار. بونلر آذربمدت
تمامیه دن صکره مدھش بر قوه عسکریه یی تشکیل ایدر.
«یازم ملیون» بیان اولسان عدد ایرانی ایی بیلنلری
بلکده کولدره جکدر. زیرا [سینا] شهرنده بش سینه
دو قورلک ایتیش اولان برامریقان حکیمی دونکی کونده
دیوردیکه: «عراق عجم دن اقضای حاجتده یوز بیك
مساح سیزلر میدان حربیه جیقمنه هر دقیقه ده آماده درلر!»

عبدالله راور

مدیر مسئولی: محمد منیر

محمود بک مطبعه سی